

ԿԻՄԵՐՆԵՐԻ ԵՎ ԿԻՄԵՐԵՐԵՆԻ ՊՐՈԲԼԵՄԸ ԱՐԴԻ ԳԻՏՈՒԹՅԱՆ ՄԵՋ

ՀՍՍՀ ԳԱ ակադեմիկոս Գ. Բ. ԶԱՀՈՒԿՅԱՆ

Կիմերները մեծ դեր են կատարել Առաջավոր Ասիայի մ. թ. ա. VIII—VII դդ. պատմության մեջ: Կիմերների մասին տեղեկություններ են հաղորդում բավականաչափ աղբյուրներ, սակայն այդ տեղեկությունները համառոտ են, միօրինակ, կցկտուր և հնարավորություն չեն տալիս քիչ թե շատ ամբողջական գաղափար կազմելու նրանց սկզբնական բնակության վայրերի, էթնիկական բնույթի և լեզվական պատկանելության մասին:

Կիմերների՝ հյուսիսսևծովյան մեղ հայտնի ժողովուրդներից հնագույնի¹ սկզբնական բնակավայրը հայտնի է միայն ամենաընդհանուր ձևով. այն ընկած է եղել հյուսիսսևծովյան շրջանում: Սակայն եղած տեղեկությունների հիման վրա առայժմ հնարավոր չէ ավելի որոշակի սահմաններ նշել: Հետազոտողները կիմերների բնակության սահմանները մերթ ընդարձակում են՝ ընդգրկելով ողջ հյուսիսսևծովյան շրջանը մինչև Թրակիա, մերթ նեղացնում՝ սահմանափակելով Թամանյան թերակղզու հյուսիսային մասով, հատկապես ներկայիս Ֆոնտան (Ֆանտալովսկի) թերակղզով: Առաջին դեպքում հավանաբար կիմերների անվան տակ միավորվում են, առանց էթնիկական պատկանելության հստակ տարբերակման, այլևայլ ցեղեր և ցեղախմբեր, երկրորդ դեպքում փորձ է արվում ճշտորոշել բուն կիմերների բնակության վայրը: Կիմերների անունով մնացած զանազան աշխարհագրական անունները և դրանց տեղադրությունը հարցն արմատապես չեն լուծում, եթե նկատի առնենք հին հնդիսականների աղոտ պատկերացումները իրենց երկրից հյուսիս ընկած վայրերի մասին և ուշ փոխանցումների հնարավորությունը:

Կիմերները եղել են քոչվոր ժողովուրդ, լայնորեն զբաղվել են ձիաբուծությամբ և մարտեր են մղել հեծելազորով: Սրանով էլ բացատրվում են նրանց մեծ շարժունակությունը և մարտական սկզբնական խոշոր հաջողությունները: Կիմերների քանակի ոչ շատ մեծ լինելը երևում է թեկուզ այն

¹ В. Д. Блаватский, Киммерийский вопрос и Пантикапей, «Вестник МГУ», 1948, № 9. Կիմերների մասին հմտ. նաև Л. А. Ельницкий, Киммерийцы и киммерийская культура, ВДИ, 1949, № 1, № 14—18; Ю. С. Крушкoл, К вопросу о киммерийцах, «Археология и история Боспора», Симферополь, 1952, № 89—91; А. А. Нессен, К вопросу о памятниках VIII—VII вв. до н. э. на юге европейской части СССР, «Советская археология», XVIII, 1953, № 100—110; Е. И. Крупнов, Киммерийцы на Северном Кавказе, «Древние племена и народности Кавказа. Материалы и исследования по археологии СССР», № 68, М.—Л., 1958, № 176—195; М. И. Артамонов, Киммерийцы и скифы, Л., 1974, № 20—23; նույնի՝ Вопрос о происхождении скифов, ВДИ, 1950, № 2, № 41; Н. А. Лавров, О пути вторжения киммерийцев в Переднюю Азию, «Советская археология», 1965, № 3, № 219—223; Ս. Տ. Երեմյան, Կիմերական և սկյութական ցեղերի արշավանքները և Ուրարտուի ու Ասորեստանի պայքարը քոչվորների դեմ, «Պատմա-բանասիրական հանդես», 1968, № 2, № 90—92:

փաստից, որ մարտական որոշ հաջողություններից հետո նրանք խիստ թուլանում են և հավանաբար շուտով հեռանում պատմական ասպարեզից՝ դադարելով գոյություն ունենալուց որպես ինքնուրույն ժողովուրդ:

Եղած աղբյուրների համադրությունը ցույց է տալիս, որ կիմերները մ. թ. ա. VIII դ. վերջին տասնամյակներում սկյութների ճնշման տակ² թողնում են իրենց սկզբնական բնակատեղին և շարժվում հարավ՝ Առաջավոր Ասիա: Հերոդոտը տեղեկություն է տալիս շարժման արևելյան ուղու մասին. ըստ նրա՝ կիմերները շարժվել են Սև ծովի արևելյան ափերով: Ստրաբոնը հակված է ընդունելու կիմերների շարժման արևմտյան ուղին՝ Թրակյան Բոսպորով և Բոսֆորի նեղուցով դեպի էոլիա, Իոնիա, Պափլագոնիա: Արդի որոշ հետազոտողներ, նկատի ունենալով Սև ծովի արևելյան ափերով ձիավոր քոչվորների մեծ զանգվածի շարժման դժվարությունը, ենթադրում են, որ կիմերները անցել են Անդրկովկաս նախ Դարյալով և Ալագիրով, ապա շարժվել դեպի արևելա-սևծովյան ափերը: Առաջավոր Ասիայում նշվում է կիմերական երկու հիմնական բնակատեղի՝ Մանա երկիրը Ուրմիա լճի հարավային կողմերում և Կապադովկիան (Դամիրքը):

Ասուրական աղբյուրները մ. թ. ա. VIII դ. նախավերջին տասնամյակի առաջին կեսին (720—715 թթ. միջև), մինչև Սարգոն II-ի արշավանքը Ուրարտու (714 թ.)³, տեղեկություններ են տալիս կիմերների, ուրարտացիների հետ նրանց ընդհարման և վերջիններիս պարտության մասին: Սակայն հետագայում, ինչպես երևում է, կիմերները դաշն են կնքում ուրարտացիների հետ և վտանգ ստեղծում Ասորեստանի համար: Մ. թ. ա. 679 թ. Տեուշպայի առաջնորդությամբ նրանք ներխուժում են Ասորեստան, բայց պարտություն են կրում:

Արևմուտքում, ըստ Ստրաբոնի՝ Հոմերոսի ժամանակներում կամ ավելի վաղ, կիմերները ասպատակում են գրեթե ողջ Փոքր Ասիան, ընդ որում Ստրաբոնը նրանց նույնացնում է տրերների հետ, որոնք Թրակյան ցեղ են հեղել: Կիմերների հարվածների տակ, հավանաբար ուրարտացիների մասնակցությամբ, մ. թ. ա. 676—674 թթ. ժամանակամիջոցում կործանվում է Փոյուզական պետությունը: Մ. թ. ա. VII դ. կեսերին կիմերները գրավում են Լիդիան՝ առանց այնտեղ երկար ժամանակով հաստատվելու: Ընդհարվելով սկյութների հետ և պարտվելով նրանց առաջնորդ Մադիոսից՝ կիմերներն ապաստան են գտնում Փոքր Ասիայի հյուսիսային մասերում՝ Սինոպի մերձակայքում: Մ. թ. ա. VII դ. վերջերին կիմերները նոր պարտություն են կրում Լիդիական թագավոր Ալիատի կողմից և դադարում քաղաքական ուժ ներկայացնելուց:

Կիմերական լեզվական տվյալները արտակարգ սուղ են. մեկ հասարակ անուն, կիմերական ժողովրդի անունն ու նրանից կազմված հատուկ անուն-

² Ըստ Հերոդոտի՝ «Երկիրը, որտեղ հիմա բնակվում են սկյութները, նախապես պատկանում էր կիմերներին» (Herod. IV, 11), թեև, իհարկե, չի կարելի խոսել կիմերների և սկյութների բնակության մատենի սահմանների համընկնելու մասին: Հմմտ. В. Д. Блаватский, *Узг. աշխ.*, էջ 10:

³ И. М. Дьяконов, *История Мидии*, М.—Л., 1956, էջ 237:

⁴ Б. Б. Пиотровский, *История и культура Урарту*, Ереван, 1946, էջ 296; *Ասիայի*՝ Ванское царство, М., 1959, էջ 232 և հտ.:

ները և երեք անձնանուն (կիմերական առաջնորդների անուններ): Ահավասիկ դրանք.

1) Հուն. χιμῆριοι (ուշ նաև χιμῆροι) «կիմերներ», այլև Κιμῆριοι, Κιμῆρια τείχια, πορθύρια Κιμῆρια, Βοσπορος Κιμῆριος, Κιμῆριον (քաղաք) և այլն, ակկադ. gamirra, gimmirai, gimirri (բաբել.), եբր. (աստվածաշնչում) Gomer, Gamer, հայ. Գամիրր (Կապադովկիայի հայկական անունը)⁵.

2) Հուն. Τυγδαμῖς, ակկադ. D/Tugdammī- (Tug-dam-mī-i, ընդ որում mī-ն կարող է ընթերցվել նաև me)⁶.

3) Ակկադ. Teušpa.

4) Ակկադ. Sandaksatru (Sa-an-dak-šat-ru, ընդ որում šat(i)d նշանը կարող է ընթերցվել նաև kur, mat/d, lat/d, nat/d, k'gin' Sandakkurru և այլն)⁷.

5) Հուն. ἀργυλλοὶ «ստորերկրյա բնակարաններ» (հզն.):

Կարծիք կա, որ kimmer- անվանումը տրվել է կիմերներին ոչ միայն ուրիշների կողմից, այլև եղել է նրանց ինքնանվանումը: Ըստ տարբեր ուսումնասիրողների՝ այդ անվանումը պահպանվել է վրաց. gmiri «հերոս, հսկա» օս. (վրաց. միջնորդությամբ) goymiri (իրան.), gumeri, gaumeri (դիզոր.) «հսկա, կուռք», հ. ռուս. коумиръ, коумиръ «կուռք» բառերի մեջ⁸, ընդ որում օսերենի «կուռք» իմաստը բացատրվում է ռուսերենի ազդեցությամբ՝ անցած եկեղեցական դրքերի թարգմանության միջոցով¹⁰:

Բացի կիմերների անվան հետ այս կամ այն ձևով առնչվող Կապադովկիայի հին հայկական Դամիրի անունից, որ թերևս կապված է աստվածաշնչի Gamer անվան հետ, կարելի է կապ տեսնել կիմերների և Լենինականի հին Կումայրի (>Գյումրի) անունների միջև, սակայն ավելի շատ հակում կա Կումայրի-ի -այր- բաղադրիչը նույնացնելու հայ. այր «քարայր, քարանձավ» բառի, իսկ Կում-ը՝ Առաջավոր Ասիայի մի շարք տեղանունների kum- բաղադրիչի հետ և վերջինիս ակունքը փնտրելու խուռերենում¹¹: Կումայրի-ի՝ կիմերների անվան հետ կապված լինելը մեզ հավանական է թվում հատկապես այն պատճառով, որ Շիրակ տեղանունը համապատասխանաբար կարող է բացատրվել սարմատական սիրակ (սւրաչ = շիրակ) ցեղի¹² (որ

5 Ս. Երեմյանը («Հայաստանը ըստ Աշխարհացոյց-ի», Երևան, 1963, էջ 46) կիմերների անվան հետ է կապում Կեմերեկ գյուղի անունը, բայց նմանությունը կարող է պատահական լինել (եբր. Կեմերեկ < հայ. Կամուրակ. հմտ. էվերեկ < Ավերակ):

6 И. М. Дьяконов, *Изд. ашх.*, էջ 240, ծան.

7 Նույն տեղում, էջ 239: Կիմերների անվան թյուրքական մեկնության փորձը Շրադերի կողմից (сomru «նստակյաց քոչվոր») այդ ժամանակաշրջանի համար զուրկ է պատմական հիմքից. հմտ. М. V a s m e r, Untersuchungen über die ältesten Wohnsitze der Slaven, I. Die Iranier in Südrussland, Leipzig, 1923, էջ 5. Լուրջ չեն հույների ստուգաբանական բառախաղերը՝ χιμῆριοι—χερβῆριοι, χιμῆριοι—χειμῆριοι և այլն:

8 Նույն տեղում, էջ 238:

9 В. Миллер, Осетинские этюды, I, М., 1881, էջ 125; В. И. Абаев, Историко-этимологический словарь осетинского языка, I, М.—Л., 1958, էջ 530; М. Фасмер, Этимологический словарь русского языка, II, М., 1967, էջ 416; А. И. Попов, Названия народов СССР, Л., 1973, էջ 11:

10 В. И. Абаев, *Изд. ашх.*, էջ 238:

11 Г. Капанцян, Хайаса — колыбель армян, Ереван, 1947, էջ 50:

12 Հմտ. Н. В. Анфимов, Племена Прикубанья в сарматское время, «Советская археология», XVIII, 1952, էջ 63.

մ. թ. ա. III—II դդ. արդեն հաստատվել էր Մանիչ գետի հովտում) անվամբ, եթե կիմերների կազմում կային նաև այս ցեղի ներկայացուցիչներ: Այս դեպքում կիմերների անվան սկզբնաձևի հնչյունական փոփոխությունը Կումայրի տեղանվան մեջ պետք է համարել կոնտամինացիայի արդյունք:

Կիմերների անվան աղբյուրը հայտնի չէ: Շատ բան այստեղ կախված է մյուս անունների մեկնությունից, մանավանդ որ կիմեր-ը, ինչպես տեսանք, պահպանված է նաև Ծ- բաղաձայնով և տարբեր ձայնավորումներով: Պոսեյդոնիոսը կիմերներին նույնացնում է կիմերների (χιμῆροι) հետ: Օ. Ն. Տրուբաչովը, ինչպես կտեսնենք, ենթադրում է թրակյան ծագում:

Եթե մի կողմ թողնենք կիմերների մոնղոլական, ֆիննական և կովկասյան ծագման վերաբերյալ վարկածները, որոնք զուրկ են որևէ լուրջ կովանից, ապա կարելի է հիշել հետևյալ կարծիքները.

1) Ամենից տարածված կարծիքն այն է, որ կիմերները սկյութների նման իրանական ծագում ունեն (ի միջի այլոց, ըստ Կալիմաքոսի՝ կիմերները սկյութների նման «ձի կթողներ» են): Այս կարծիքը հենվում է հատկապես Sandikšatru և Teuspā անունների ստուգաբանության վրա: Առաջինի համար նշվում է -kšatru «իշխանություն» (=ավ. xsaθrəm, հ. հնդկ. kśatram, իրան. աղբյուրներից ծագող հայ. աշխարհ) բաղադրիչը. վերջինս ավելի մոտ է, սակայն, հին հնդկական, քան իրանական ձևերին, որոնք -k-ի դիմաց ունեն x (=սեպագիր h²): Երկրորդի մեջ ուշադրություն է գրավում -spa-ն, որ կարող է արտացոլել իրանական անունների -asp- «ձի» բաղադրիչը: Փ. Յուստին առանց վարանման երկուսն էլ դնում է իրանական անձնանունների շարքը՝ առաջինը մեկնելով որպես Senda-xsaθra «գոհացուցիչ (սլատշաճ) իշխանություն ունեցող» (հմմտ. ավ. senda-), երկրորդը նույնացնելով Հերոդոտի գրքում հիշատակված իրան. > հուն. Ίσσαντες (=բիհիսթոնյան արձանագրության Čalšpiš, Աքեմենի որդու անունը), Τεσπερις անձնանվան հետ¹³, Sandakšatru անձնանվան «զուտ» իրանական մեկնության դեմ բերվում է երկու ապացույց. ա) Sand- բաղադրիչը զուգահեռներ ունի փոքրասիական հատուկ անուններում. նույն ժամանակների ասուրական աղբյուրները հիշատակում են կիլիկյան Sandasarma և Sanduarri անձնանունները, որոնց Sand(a)- բաղադրիչը նույնացվում է Սանդոն դիցանվան հետ¹⁴. ավելորդ չէ հիշել, որ շատ հետազոտողներ կապ են տեսնում Սանդոն (Շանդոն) աստծու անվան և հայ. շանդ (շանք) բառերի միջև. բ) նշվում է šat(š)d-ի

¹³ F. Justi, Iranisches Namenbuch, Marburg, 1895, էջ 152: Մ. Ֆամերը («Untersuchungen...», էջ 5) նշում է երկու բնօրինակի գուգահեռ՝ հ. հնդկ. candra- «լուսավոր» կամ cānta- «հանգիստ» (իրան. *sānta-) բառերի իրանական հնարավոր համարժեքները՝ հիշտ չհամարելով Լեման-Հաուպտի վերականգնած zantu-γsaθrya, zantav- «երկրամաս, մարզ» (հմմտ. C. F. Lehmann-Haupt, Kimmerier, «Paulys Real-Encyclopädie der Altertumswissenschaften, XXI, 1) և Մարկվարտի վերականգնած s(p)antaxsaθra (J. Marquart, Untersuchungen zur Geschichte von Eran, I, Göttingen, 1896, II, Leipzig, 1905, «Philologus») ձևերը (p-ի անկում ենթադրելը այդքան վաղ շրջանի համար կասկածելի է համարում): Teuspā-ի հիշյալ մեկնությունն էլ նա կեղծ է համարում՝ նշելով, որ լ-ն ուղիղը է արտահայտվել հունարենում, բայց ոչ ասուրերենում, որտեղ այն կարտահայտվել է-ով:

¹⁴ И. М. Дьяконов, нзл. աշխ., էջ 210: Գ. Շրամը («Nordpontische Ströme», Göttingen, 1973) նշում է, առանց հարաբերությունը ճշտելու, սեծովյան Σανδαρις (սեռ. հ.) անձնանունը՝ անհավանական համարելով ավետ. sand- «կատարել» բայի հետ Լ. Զդուստայի (L. Zgusta, Die Personennamen griechischer Städte der nördlichen Schwarzmeeerküste, Prag, 1955, էջ 203) կատարած համեմատությունը:

kur և այլն և, հետևաբար, Sandakšatru-ի Sandakurri և այլն ընթերցումների հնարավորությունը: Teuspa-ի հիշյալ մեկնության կողքին Յ. Մարկվարտը¹⁵ և Ի. Մ. Դյակոնովը¹⁶ հնարավոր են համարում վերականգնել իրանական Tavaspa- «հզորաձի» նախաձևը (tava- «հզորություն» և aspa- «ձի»), բայց այս գեպքում էլ անբացատրելի է մնում -e- ձայնավորումը¹⁷: Կիմերական մյուս անձնանուններից Dugdamiš-ը ևս կապվում է իրանական աղբյուրի՝ Զրադաշտի մոր անվան՝ Duγδō-ի մեջ պահպանված Duγōa-ի հետ, բայց այս դեպքում նկատի չի առնվում հուն. Δουδάρις տարբերակը (*dl նախնական հնչյունի երկտիպ արտացոլում), որ հայտնի է նաև այլուր և կարող է փոքրասիական ծագում ունենալ¹⁸: Կիմերների անվան որևէ իրանական մեկնության փորձ մեզ հայտնի չէ: Կիմերների իրանական ծագման վարկածի դեմ բերվող զխավոր ապացույցն այն է, որ պահպանված միակ հասարակ անունը իրանական հավաստի զուգահեռներ չունի: Մ. Ֆասմերը գտնում է, որ հիշյալ անձնանունների իրանական ծագումը հավաստելը խոսում է միայն իշխողների՝ իրանական անուններ կրելու, բայց դեռևս ոչ կիմերների և նրանց լեզվի իրանական ծագման մասին¹⁹: Ի. Մ. Դյակոնովը կիմերներին համարում է իրանական ժողովուրդ, բայց VII դ. ենթարկված փոքրասիական նշանակալից աղդեցության: Նա, միաժամանակ, բավարար հիմքեր չի տեսնում կիմերներին ծագմամբ թրակացիների հետ կապելու համար²⁰:

2) Նախկինում առաջ քաշվել և վերջին ժամանակներում վերարժարծվել է կիմերների թրակյան ծագման վարկածը: Այն պաշտպանողները (հատկապես Օ. Ն. Տրուբաչովը) բերում են երեք կարգի ապացույցներ՝ պատմական, աշխարհագրական և լեզվական²¹: Պատմական առումով կարևոր է համարվում անտիկ աշխարհի ավանդույթը կիմերների և թրակացի-տրերների կապի մասին²²: Աշխարհագրական առումով նշվում է կիմերների՝ ասիական Բոսպորում գտնվելու և սինգերից ու մեոտներից բնականորեն սահմանազատված լինելու փաստը, որ խանգարում է կիմերների իրանական ծագման վարկածին: Վերջապես լեզվական առումով նշվում է հատկապես նրանց ինքնանվանումը թրակյան լեզվական նյութի հիման վրա բացատրելու հնարավորու-

¹⁵ J. Marquart, Untersuchungen..., էջ 206, ծան.:

¹⁶ И. М. Дьяконов, նշվ. աշխ., էջ 240:

¹⁷ M. Vasmer, նշվ. աշխ., էջ 6:

¹⁸ Հստ Մ. Ֆասմերի, նշվ. աշխ., էջ 5: Յ. Մարկվարտը այն մեկնում է ինչպես իրան. Duγōamaēši- «կթռխարավոր, կթվող ոչխար ունեցող» (հմտ. ավեստ. Dau-ramaēsi «զեր ոչխար ունեցող»): Լեման-Հաուպտը նշում է այս անունը կրող երեք անձ՝ Նաքսոսից, Կնոսոսից և Սիրակուզայից: Մ. Ֆասմերը (նշվ. աշխ., էջ 5) բերում է Սունդվալի հիշած Δουδάριον տեղանունը (Միսիայում): Վ. Ի. Աբաևը (В. И. Абаев, Скифо-европейские изоглоссы, М., 1963, էջ 136) մեկնում է օս. tux-domæg «ուժով սանձող» բառով՝ միաժամանակ բերելով Յ. Հարմատայի կարծիքը կիմերների իշխող խավի իրանական ծագման մասին (J. Harmatta, Le problème cimérien, «Archaeologiai Ertesítő», 7—9, 1946—1948, էջ 131):

¹⁹ M. Vasmer, նշվ. աշխ., էջ 7:

²⁰ И. М. Дьяконов, նշվ. աշխ., էջ 241:

²¹ О. Н. Трубачев, Temarundam «matrem maris». К вопросу о языке индоевропейского населения Приазовья. «Античная балканистика 2», М., 1975, էջ 41—42. Նույնի՝ О синдах и их языке, «Вопросы языкознания», 1976, 4, էջ 40—41:

²² Ի. Մ. Դյակոնովը (նշվ. աշխ., էջ 234) Ստրաբոնի այս տեղեկությունը համարում է անբավարար իրազեկության արդյունք:

թյունը (ըստ Տրուբաշովի՝ Kir(s)-mar-jō- «սևծովյաններ»)²³, այլև պահպանված միակ հասարակ անվան (գլոսայի)՝ *αρχιμαρ* բառի, ակնհայտ բաղկանյան՝ մակեդոնա-թրակյան բնույթը²⁴։ Ի միջի այլոց նշենք, որ Լ. Չգուստան (նշվ. աշխ., §§ 571—581) հյուսիսսևծովյան անձնանուններին նվիրված իր աշխատության մեջ մեկ տասնյակից ավելի անձնանունների համար ենթադրում է կիմերական աղբյուր, թեև կասկածով (այդ անձնանունները կրող այլ էթնիկական տարր այս վայրերում նա չի գտնում)՝ Σαλα, Σεταλκας, Σεπθη, Σισος, Σιλλοσος, Ταρσος, Χαλας, Αγοπηγης, Δροβόλοσι, Σκοζος (այս անձնանունը Մարկվարտը կապում է սկյութների անվան հետ, որ Ֆասմերը ժխտում է)։

3) Վերջապես, գերմանացի գիտնական Գ. Շրամը վերջերս հանդես է եկել այն յուրահատուկ տեսակետով, որ կիմերերենը մոտ է հին հայերենին և նույնիսկ նրա վաղ նախավիճակն է։ Շրամը փաստորեն հենվում է միայն աշխարհագրական սակավաթիվ հատուկ անունների մեկնության վրա, ընդ որում նա ենթադրում է դրանց մեջ բաղաձայնների այնպիսի տեղաշարժ, ինչպես հայերենում։ Ըստ Օ. Տրուբաշովի, Շրամն ունի կիմերների ղեաղեցրած տարածության վերաբերյալ ոչ հստակ պատկերացում, խիստ ընդլայնում է կիմերների տարածման շրջանը և ընդգրկում աշխարհագրական այնպիսի անուններ, որոնք պատկանում են էթնիկական այլ միջավայրերի։ Գ. Շրամը Դոնի հին Τάναϊς և Կուբանի հին *Ταναις²⁵ անունները վերագրում է կիմերների լեզվին և նրանց մեջ տեսնում բաղաձայնների տեղաշարժ՝ *Kūbhani- > *Kūbāni- > K(h)upani- և *Danoii- (*Danaui-) > Tanaui-։ Հատկանշական է, որ Շրամը կիմերերենի մնացորդները հայերենով ստուգա-

²³ Տրուբաշովը այս դեպքում հաշվի չի առնում հետևյալը. 1) թրակերենին ևս հատուկ է բաղաձայնների տեղաշարժը, և հ.՝-ն *k-ից ծագող թրակյան kh-ն կարող էր նշանակվել հուս. ա.ով, որովհետև նախ շնչեղությունը հունականից ավելի թույլ էր, և երկրորդ՝ մ. թ. ա. III դ. հուն. φ, ψ, χ-ն արդեն շփականացել էին (հմտ. D. Detschew, Charakteristik der thrakischen Sprache, „Балканско языкознание“, II, 1960, 149. 2) կիմերների անվան k-ն այլուր արտահայտված է նաև g-ով, որ ցույց է տալիս k-ի kh հնչված լինելը վարկածի անհավանականությունը. 3) հ.՝-ն kers-ը այլուր ներկայացված է ոչ թե kirs-, այլ kris- ձևով. հմտ. Krios գետնունը, որտեղ k-ն տրված է ա.ով և ոչ չ.ով, որովհետև գտնվում է այլ բաղաձայնից առաջ (հմտ. D. Detschew, նշվ. աշխ., էջ 150)։

²⁴ Տրուբաշովը («Вопросы языкознания», 1976, 4, էջ 40, ծան. 4) նշում է միայն Հեռիթիոսի αρχιμαρμας բաղաձայնը («մակեդոնական բնակարան»), ալբ. raxal(ε) «խըրճիթ» և ում. argea՝ «հյուղ, գետնափոր տուն» գուգահեռները։ Հմտ. նաև թրակ. *Αρχιλος բաղաձայնը, որ Αρχιλος անձնանվան և Αρχι-δρα տեղանվան Αρχι- բաղադրիչի հետ միասին Գ. Դեշկը (D. Detschew, Die trakischen Sprachreste, Wien, 1957, էջ 23) բխեցնում է հ.՝-ն. *ar(e)k- «փակել» արմատից՝ համեմատելով լատ. arx «ամրոց», arceō «փակել, ներփակել», հայ. արգել բառերի հետ. նա դժվար բացատրելի է համարում միայն *k-ի դիմաց թրակ. γ-ի առկայությունը։ Սակայն կա նաև *ar(e)g- գուգահեռ արմատը (J. Pokorny, Indogermanisches etymologisches Wörterbuch, I, Bern und München, 1959, էջ 64), որից բխեցվում են մակեդ. ալբ. (<մակեդ.>) ու կիմերական հիշյալ բառերը, և որից թերևս ծագում է թրակյան արմատը կիմերների անվան տրուբաշովյան մեկնության դեպքում ժխտվում է Temarunda բառի կիմերյան (այլև խեթյան, իրանական) ծագումը, եթե վերջինս նշանակում է tem- «մութ սև» + arun «ծով» (հմտ. խեթ. aruna-) + -d(h)ā < *dhē- «սնել (կրծքով)», կաթ տալ, ծծեցնել» (ըստ Պլինիոսի Temarunda-ն սկյութների լեզվով նշանակում է matrem maris «մայր ծով»)։

²⁵ Այս անվանումը միջին դարերում հանդիպում է Cuphis, Κωφίς (հայց. հ.), Κωφης և երբեմն համեմատվում է Քարու գետի հին Κωφης, Κωφίς անվան հետ։

բանելու ոչ մի փորձ չի անում և նկատի չի առնում, որ բաղաձայնների տեղաշարժը հատուկ է ոչ միայն հայերենին²⁶, Հայերենի՝ տրերերենից ծագելու հնարավորության մասին ավելի վաղ (1963 թ.) խոսել է է. Կավենյակը²⁷:

Ի՞նչ կարելի է ասել կիմերների լեզվի մասին եղած տվյալների համադրության հիման վրա:

1) Եղած տվյալները ակնհայտորեն անբավարար են կիմերների մասին քիչ թե շատ վստահելի եզրակացություններ անելու համար: Հին հեղինակները աղոտ զաղափար են ունեցել կիմերների լեզվի, էթնիկական կազմի ու աշխարհագրական տեղադրման մասին, և նրանց տեղեկությունները կարելի է ընդունել միայն վերապահորեն, մանավանդ որ կիմերները շփոթվել են մերթ տրերների (թրակյան ցեղ), մերթ սկյութների հետ: Պետք է կարծել, որ նախ՝ սկզբնապես կիմերները հյուսիսսևծովյան վայրերի հիմնական բնակիչները չեն եղել, երկրորդ՝ դաշնակից են եղել թրակյան տրերներին կամ ընդհանրապես ներկայացրել են տարալեզու ցեղախումբ, երրորդ՝ անկախ էթնիկական կազմից, ունեցել են, բացի բուն կիմերական անձնանուններից, նաև այլ ծագման անձնանուններ: Կարելի է նույնիսկ ենթադրել, որ կիմերների մի հատված (տրերներ²⁸) շարժվել է Առաջավոր Ասիա Ստրաբոնի, իսկ բուն զանգվածը՝ հիմնականում Հերոդոտի նշած ուղիով, ընդ որում հետագայում նրանք արևմուտքում կարող էին վերամիավորվել պատերազմական գործողությունների ժամանակ: Կիմերների՝ Մանայում գտնվելու փաստը խոսում է նույնիսկ նրանց շարժման երրորդ ուղու՝ այժմյան Ադրբեջանի տերիտորիայով հարավ շարժվելու հնարավորության մասին: Ստրաբոնի կողմից որպես տրերների առաջնորդ հիշատակված Կոֆոս-ը իրոք բուն թրակյան անձնանուն է և չի կարող մտցվել բուն կիմերական անձնանունների շարքը:

2) Եթե մի կողմ թողնենք Sandakštru անձնանվան Sandakkurru և այլ ընթերցումները, որոնք քիչ հավանական են, ապա կարելի է ասել, որ ավելի համոզիչ է պահպանված կիմերական անձնանունների մեծ մասի արիական (հնդիրանական) մեկնությունը. Sandaksatru-ն և Teuspā-ն, թերևս նաև Dugdamiš-ը կարող են գոհացուցիչ կերպով բացատրվել հնդիրանական հոդի վրա: Եթե դրանք չեն խոսում կիմերների արիական ծագման մասին, ապա գոնե վկայում են նրանց՝ հնդիրանական ծագման վերնախավ ունենալու փաստը: Մինչդեռ կիմերերենի մնացորդները ամբողջապես թրակյան հոդի վրա բացատրելու փորձերը առայժմ արդյունավետ չեն: Ծիշտ է, Sanda-ի համար կարելի է նշել թրակյան որոշակի զուգահեռներ, բայց

²⁶ Գրքի վերջում Շրամը, որպես հիմնադրույթ, գրում է. «x լեզվի, այն է՝ ենթադրվող կիմերերենի համար արտացոլված հնչապատմական հատկանիշները լիովին համապատասխանում են նաև հայերենին: Միակ շեղումը՝ հայ. k-ի և *k-ի նախաձայն h-ի համապատասխանության անճշտությունը կարող է հույների կամ կարերի մեղքը համարվել, որոնք Կուրանի անունը փոխ են առել: Նաև պատմական տվյալների համաձայն լիովին հավանական է, որ մ. թ. ա. VIII դարում Սև ծովի հյուսիսային ափերից Առաջավոր Ասիա քշված կիմերները, որոնց հետքերը մ. թ. ա. շուրջ 600 թ. կորչում են, և հայերը, որոնք հենց նույն ժամանակ կործանվող կամ մեղացիների կողմից նվաճված ուրարտական պետությունը ներխուժեցին, միևնույն ժողովուրդն են:

²⁷ E. Cavaignac, L'origine des Arméniens, „Revue hittite et asianique“, XXI, 72, 1963, էջ 47–54. Հմտ. նաև И. М. Дьяконов, Предыстория армянского народа, Ереван, 1968, էջ 207:

նախ՝ դրանք ակնհայտորեն փոքրասիական բնույթի են (հմմտ. թրակ. Σανδανος՝ գետանունը, որի համար Դ. Դեչևը նշում է լիդ. Σανδανος և կիլիկ. Σανδανος անձնանունները, լիդ. Σανδανια տեղանունը, կար. Sandalion կղզանունը, այլև թրակ. Σανταβινος՝ անձնանունը և հունականացված Ξανδ(ι)ου ցեղանունը²⁸), երկրորդ՝ բոլոր դեպքերում Sanda(a)-ն չի կարելի կտրել -kšatru-ից, և եթե վերջինս ճիշտ է ընթերցվում, ապա Sanda(a)-ն նույնպես պետք է բացատրել հնդիրանական հողի վրա: Կիմերների էթնիկական անվան թրակյան մեկնությունը քիչ է համոզիչ, իսկ արչւնա-ի զուտ թրակյան բնույթ ունենալու տեսակետը կասկածելի է:

Պետք է հատկապես նշել կիմերական լեզվական մնացորդներից մի քանիսի զգալի մերձավորությունը հին հնդկական բառերին, մասնավանդ եթե ընդունենք սինգերի հնդկական ծագման վարկածը²⁹. ա) կիմեր. արչւնա և հ. հնդկ. argala-, -ā զուգահեռի առկայությունը, որի համար առայժմ հայտնի չէ իրանական զուգահեռ. բ) Sandakšatru-ի -kšatru բաղադրիչի՝ հնդկականին ավելի մոտ ձևը. հմմտ. հ. հնդկ. kšatram «իշխանություն, զորություն»՝ ավեստ. xšaθrəm, հ. պրսկ. hšašam ձևերի դիմաց. այս դեպքում Sanda-ի համար ևս կարելի է նշել հ. հնդկ. ծագում. հմմտ. Śanda և Śānda անձնանունները, այլև śānta- «հանգիստ, անխռով» և shandha «ներքինի» բառերը. գ) Dugdamiš անունը, հատկապես նրա dugda- բաղադրիչը հին հնդկերենով բացատրելու հնարավորությունը. հմմտ. հ. հնդկ. dugdhā- «կթված»: Սրանց հակառակ՝ որոշակի հնդկական զուգահեռներ չունեն կիմերների անունը և Teuspa-ն: Վերջինս ավելի շուտ իրանական կերպարանք ունի:

3) Կիմերների լեզվի մնացորդների համեմատությունը հայերենի հետ առայժմ քիչ արդյունավետ է. հավանական թվացող զուգահեռները մասամբ բուն կիմերական կամ բուն հայկական չեն, մասամբ կասկածելի են, մասամբ հավասարապես կարող են մեկնաբանվել ոչ հայկական զուգահեռներով: Այսպես, կիմեր. արչւնա «ստորգետնյա բնակարան» բառը հավասար հավանականությամբ կարող է համեմատվել ինչպես հայ. արգել բառի³⁰, այնպես էլ թրակյան՝ Դրչւնոս, մակեդոնական արչւնա, ալբանական ragal(ε) համիսաստ բառերի հետ. առաջին դեպքում այն կբխի հ.-ե. *ar(e)k-ից՝ հայերենին հատուկ *rk > rգ հնչյունափոխությամբ, երկրորդ դեպքում՝ հ.-ե. *ar(e)g-ից: Եթե կիմերները իրոք արիական լեզու է, ապա հավանական է երկրորդ ենթադրությունը, և կիմեր. արչւնա-ն կարելի է համեմատել նույն արմատից ծագող հ. հնդկ. argala-, argala «սողնակ, պարզունակ, նիզ» բառի հետ, որ թերևս կարող էր ունենալ իրան. զուգահեռ ձև՝ շեղվող իմաստով: Քիչ հավանական են ինչպես կիմերների անվան համեմատությունը հայ. կիմի-ական բառի հետ (երկնքի յոթ գոտիներից մեկը՝ ըստ Ա. Շիրակացու), այնպես էլ Sandakšatru-ի Sandakkurru ընթերցմամբ այն կապելը

²⁸ D. Detschew. նշվ. աշխ., էջ 240, 333, 421:

²⁹ P. Kretschmer, Inder am Kuban, „Anzeiger d. Akad. d. Wiss. in Wien. Phil.-hist. Kl“, 80. Jg., 1943 (1944), I—XV, էջ 35—42. О. Н. Трубачев, О синдах и их языке, «Вопросы языкознания», 1976, 4, էջ 44—63.

³⁰ Ի միջի այլոց, այս բառն ունի նաև «բանտ» իմաստը, որ մոտ է կիմերականին, և նրա մեջ -ել-ը մասնիկ է (հմմտ. բրրռ. բֆաբգ բառը. Հ. Աճառյան, Հայերեն արմատական բառարան, 12, էջ 304):

հայ շանդ, շանթ և կուռ (կոել, կուռ-ք), կուր (=կեք) կուռն բառերի հետ. շանդ-ի հոլովումը ցույց է տալիս -i-ով և ոչ -a-ով հիմք. նշենք, որ կուռ-ը Հ. Աճառյանը համարում է ուրարտական փոխառություն, իսկ կուր-ը և թերևս կուռն-ը բնիկ հնդեվրոպական են (*g_uṛ- > կուր, *g_uṛ-no- > կուռ-ն)³¹: Կարելի էր կարծել, որ Կուրանի անվան բաղաձայնական տեղաշարժի ենթարկված 'Y^hṣ^hu^h ձևում սպասված kh-ի դիմաց h-ի առկայությունը ոչ թե հույների կամ կարերի մեղքն է, ինչպես ենթադրում է Շրամը, այլ թերևս հայերեն հույ (հմմտ. բրբռ. հույ տալ, հույ անել և այլն) արմատի հետ կոնտամինացիայի ենթարկվելու արդյունք. սակայն այս ենթադրությունը խախտվում է, երբ նկատի ենք առնում, որ բաղաձայնների նման տեղաշարժի ենթարկվել է նաև թրակերենը, և որ սրան վերագրվող 'Y^hṣ^h(^h)u^h գետնանվան արմատը բխեցվում է նույն *u^h- արմատից, ինչ հայերեն հույ-ը, և որ այն հավասարապես կարող էր հիմք տալ համատիպ կոնտամինացիայի համար: Teuspa անունը կարող էր մեկնաբանվել հայերենի հնչյունական օրենքներով ինչպես «աստվածապահ»՝ Teus- < հ.-ի. *diu^hos (*diēus «աստված» բառի սեռականը) և -pā < *pa- «պահել, սնել, արածացնել», սակայն նման մեկնությունն չնաբավոր է նաև թրակերենի հոդի վրա (հմմտ. առաջին բաղադրիչի համար թրակյան հունականացված Δι^hos- բաղադրիչի կողքին տեղաշարժի ենթարկված τ^hu^h և Tius ձևերը): Հատկանշական է, որ Լ. Զգուստայի կողմից որպես կիմերական առանձնացված հիշյալ տասնմեկ անձնանուններից ոչ մեկը հավաստի հայկական ղուգահեռ չունի: Կիմերների «հայկականություն» վարկածի դեմ է խոսում նաև այն փաստը, որ կիմերական Dugdami- (Δυγ-δ^hαμ^hις) անձնանունը ընդհանրապես հայկական կերպարանք չունի. ինչպես ցույց է տրված մեր «Հնդեվրոպական բաղաձայնների խմբերի արտացոլումը» հոդվածում («Հանդես ամսօրյա», 1976), հայերենը չէր կարող այդ շրջանում ունենալ պայթական բաղաձայնով վերջացող վանկ, մանավանդ որ u-ից հետո հայերենում տեղի է ունենում լրացուցիչ քմայնացում՝ gh > ḡ, g > ḡ, k > u հետագա անցումներով. հմմտ. օրինակ *dhugāter > *dhukter > դուստր: Հետաքրքրական է նշել, որ աստվածաշնչում՝ Եղեկիելի մարգարեության մեջ, որի գրվելու ժամանակը դնում են մ. թ. ա. 593—571 թթ. միջև, Գոմե-րը (=կիմերներ) և Թոգարման (=հայերը) հիշատակվում են կողք-կողքի՝ առանձին: Այսպես էլ Դարեհ I-ի Բիհիսթունյան արձանագրության մեջ (մ. թ. ա. 522—521 թթ. դպքերի նկարագրությունը) կիմերները (որոնց անվան տակ նկատի են առնվում սկյութները) և արմենները (Արմինա = Ուրարտու, Ուրաշտու), նշվում են իրարից անկախ:

Այսուամենայնիվ, հայերի և կիմերների փոխհարաբերության հարցի քննությունը չի կարելի սրանով սպառված համարել: Շրամի վարկածը անընդունելի համարելով հանդերձ՝ չի կարելի մոռանալ, որ կիմերները, հավանաբար հանդես եկած լինելով որպես հայ ժողովրդի բաղադրատարր, պետք է զգալի հետքեր թողած լինեն հայերենի և հայկական տոպոնիմատիկայի մեջ, որոնց հետազոտությունը պետք է լինի հայ պատմագիտության և լեզվաբանության առաջիկա խնդիրներից մեկը:

31 Հետաքրքրական է նշել, որ Ստեփանոս Բյուզանդացին (ինչպես և Եվստաթիոսը) Պանտիկապոնը (Παντικαπὸν) հիմնադրված է համարում ոչ թե միլետցիների (ինչպես նշում են Ստրաբոնը, Պլինիոսը, Ամիանոսը), այլ կողքերի թագավոր Այետոսի (Αἰετός) որդու կողմից:

ПРОБЛЕМА КИММЕРИЙЦЕВ И КИММЕРИЙСКОГО ЯЗЫКА
В СОВРЕМЕННОЙ НАУКЕ

Академик АН АрмССР Г. Б. ДЖАУКЯН

(Резюме)

Из-за скудости материала и возможности различного толкования исторических сведений мнения об этнической принадлежности киммерийцев весьма противоречивы. Наиболее распространенными являются гипотезы об иранском и фракийском их происхождении. В 1973 г. немецкий ученый Г. Шрамм выступил с гипотезой о киммерийцах как о предках армян. Рассмотрев аргументы Г. Шрамма и подвергнув детальному анализу весь доступный материал, мы отвергаем эту гипотезу и считаем возможным говорить лишь об участии киммерийского компонента в образовании армянской народности.